



Basas legalas: supplement en parantesas pro'l dretg da burgais

Lescha da vischnancas dal chantun Grischun (DG 175.050)

Art. 71 Vischnanca burgaisa e dretg da burgais

² Il dretg da burgais sa drizza tenor la vischnanca politica. Persunas cun dretg da burgais da las vischnancas fusiunantas survegnan il dretg da burgais da la nova vischnanca politica.

³ Entaifer 3 onns suenter l'entrada en vigur da la fusiun pon ellas dumandar – cunter ina taxa – ch'il num d'ina anteriura vischnanca burgaisa vegnia inscrit en il register da stadi civil en parantesas davos il nov dretg da burgais sco renviament a la derivanza.

Art. 113 Dretg da burgais en cas da fusiuns da vischnancas

Persunas cun dretg da burgais da vischnancas che han fusiunà avant l'entrada en vigur da la lescha dal dretg da burgais dal chantun Grischun dals 13 da zercladur 2017*, pon dumandar entaifer 3 onns suenter l'entrada en vigur da la lescha dal dretg da burgais dal chantun Grischun – cunter ina taxa – che lur dretg da burgais communal vegnia inscrit en il register da stadi civil tenor il dretg nov.

* *entrada in vigur ils 01.01.2018*

Ordinaziun davart il stadi civil dal chantun Grischun (OSCC; DG 213.500)

Art. 14a Renviament a la derivanza en cas dal dretg da burgais (supplement en parantesas) 1. dumonda

¹ Dumondas tenor l'artitgel 89 alinea 2^{bis} da la lescha da vischnancas dal chantun Grischun ston vegnir inoltradas cun il formular uffizial a l'uffizi da stadi civil ch'è cumpetent per il lieu d'origin, agiuntond ina copia dal passport u da la carta d'identidad. Persunas che n'abitan betg en il chantun Grischun ston er anc agiuntar in attest da domicil.

² Conjugals u persunas che vivan en in partenadi registrà pon inoltrar ina dumonda cuminaivla, sche la medema anteriura vischnanca burgaisa duai vegnir inscrita en parantesas.

³ Uffants pon vegnir inclus en la dumonda dals geniturs u d'in genitur, sche:

- a) els èn minorens cur che la dumonda vegn inoltrada;
- b) els han il medem dretg da burgais sco ils geniturs petents u il genitur petent; e
- c) il consentiment da las persunas cun dretg da tgira è avant maun.

⁴ Uffants minorens da 16 onns e dapli ston declerar en scrit lur atgna voluntad.

Art. 14b 2. taxas

¹ Sche la dumonda vegn acceptada, importa la taxa 75 francs per ina persuna singula e supplementar-main 10 francs per mintga ulteriura persuna che vegn inclusa en la dumonda cuminaivla.

² Dal rest èn applitgables las disposiziuns da l'ordinaziun davart ils custs en proceduras administrativa.